



ՀԱՍՏԱՏՈՒՄ ԵՄ՝
ԲՆԱԳԱՎՈՐՈՒԹՅԱՆ
ՆԱԽԱՐԱՐ



Ե ԳՐԻԳՈՐՅԱՆ

« 03 » 03 2019թ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 09

Ձեռնարկողը՝

Քաղաքացի Մհեր Ադամյան

Ք. Երևան, Ռուբինյանց 21/3, բն. 19

Գործունեությունը՝

**Գեղամեջ համայնքում պահեստ սառնարանի
կառուցման շրջակա միջավայրի վրա ազդեցության
նախնական գնահատման հայր**

Կոպայրի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ
տնօրեն՝



Ռ. Ոսկանյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅՈՒՆ

թիվ ԲՓ 09

‘ 01 ’ 03 2019թ.

Գետամեջ համայնքում պահեստ սառնարանի կառուցման շրջակա միջավայրի վրա ազդեցության նախնական գնահատման հայտ

Ձեռնարկող՝	քաղաքացի Մ. Ադամյան
Ներկայացված նյութեր՝	Նախնական գնահատման հայտ Գ կատեգորիա
Տեղադրման վայրը՝	Կոտայքի մարզ, Գետամեջ համայնք

Գործունեության նպատակն է կառուցել 4105.0մ² մակերեսով սառնարանային տնտեսություն՝ հետագայում տնտեսվարող սուբյեկտներին վարձակալությամբ տրամադրելու նպատակով:

Շինարարությունը նախատեսվում է իրականացնել պատվիրատու՝ Մհեր Ադամյանին պատկանող, 4.8հա տարածքի վրա, որը գտնվում է Կոտայքի մարզի Գետամեջ գյուղի արտադրական գոտում:

Ըստ հայտի հողատարածքը ամայի է, զուրկ շինություններից: Նշված տարածքը գտնվում է Երևանից 22.0կմ հեռավորության վրա՝ Հրազդան գետի կիրճի վերին հատվածում: Հողամասի մոտով անցնում է չգործող գազատար, որը «Գազպրոմ Արմենիա» ՓԲԸ կողմից նախատեսվում է ապամոնտաժել և տեղափոխել (ըստ 30.01.2019թ. N01-10/149 տեղեկանքի): Հողամասը արևմտյան կողմից սահմանակից է «Կամուրջին» ՍՊԸ-ին, որը զբաղվում է երկաթբետոնե կոնստրուկցիաների արտադրությամբ, իսկ հյուսիս արևմտյան մասով «Սարանիստ» ՍՊԸ-ի՝ քարերի վերամշակմամբ զբաղվող, Գետամեջի մասնաճյուղին:

Նշված տարածքը նախկինում տրամադրված է եղել Երևան-Սևան արագընթաց երկաթգծի /մոնոռելս/ շինարարության համար: Այդ իսկ պատճառով տարածքը ամբողջությամբ փորված է մոնոռելսի անցկացան համար, բացակայում է բնական հողածածկը, բուսածածկը և կենդանիների համար նպաստավոր ապրելավայրերը: Ըստ նպատակային նշանակության տարածքը արտադրական նշանակության արդյունաբերական օբյեկտների հողամաս է:

Հայցվող տարածքում սառնարանային մասնաշենքի, ընդհանուր մասի և անցակետի ճարտարապետական մասը կատարված է ճարտարապետահատակագծային առաջադրանքի (07.11.2018թ. N 3), անշարժ գույքի



նկատմամբ իրավունքի պետական գրանցման վկայականի և պատվիրատուի առաջադրանքի հիման վրա: Սառնարանային տնտեսությունը ներառելու է հիմնական արտադրական մասնաշենքը և պահակակետը /անցակետ/:

Սառնարանային մասնաշենք - հատակագծում ուղղանկյուն կտրվածքի 97.33մx42.18մ չափերով մետաղական կարկասով շինություն, մետաղական ֆերամներից, ձևավոր թիթեղով ծածկով:

Անցակետ - հատակագծում ուղղանկյուն կտրվածքի 10մx4.8մ չափերի, երկու հարկանի շինություն, տանիքը միաթեք, կանոնավոր ջրահեռացմամբ, քարե պատերով:

Համաձայն աշխատանքների ժամանակացույցի շինարարության ընդհանուր տևողությունը 2 տարի է, ընդ որում առավել ռիսկային՝ հողային աշխատանքները և հիմքերի կառուցումը, կտևի ընդամենը 7 ամիս: Շինարարության ժամանակ բնառեսուրսներից օգտագործվելու է ջուր՝ տարածքի ջրցանի և շինանձնակազմի խմելու կենցաղային նպատակների համար: Ըստ նախնական գնահատման հայտի ջրցանի համար օրական կօգտագործվի՝ 1.8մ³, իսկ խմելու նպատակով՝ 0.35մ³ ջուր:

Ջրամատակարարումը կատարվելու է տարածքի մոտով անցնող ջրատարից, համաձայն Վեոլիյա ընկերության կողմից տրամադրված տեխնիկական պայման N էՀ2932: Քանի որ տարածքում չկա կոյուղու ցանց, ուստի նախատեսվում է հիմնական շինության եզրամասում կառուցել անթափանց պատերով ստորգետնյա տարողություն, որում կկուտակվեն կենցաղային կեղտաջրերը և պարբերաբար կտեղափոխվեն Երևանի կոյուղու ցանցի համապատասխան կետ: Էլ. սնուցումը կկատարվի ըստ ՀԷՑ ՓԲԸ կողմից տրամադրված տեխնիկական պայմանների:

Համաձայն ճարտարապետահատակագծային առաջադրանքի տարածքի 30% (1.44հա) նախատեսվում է կանաչապատել՝ իրականացնելով ծառատունկ: Ելնելով նշված չափերից նախատեսվում է տնկել մի քանի շարք 2 տեսակի ծառաբույսեր, որոնք շարքերում կտեղաբաշխվեն մեկ առ մեջ (գնդաձև թխկին՝ *Acer platanoides f. globosa* և բրգաձև կաղնի՝ *Quercus robur f. fastigiata*):

Աշխատանքների իրականացման ժամանակ նախատեսվում է հետևյալ բնապահպանական միջոցառումները.

- շինարարական աշխատանքների ընթացքում փոշու արտանետումները նվազեցնելու համար ջրցանի իրականացում,
- փոշու տարածումը կանխարգելելու համար համապատասխան բարձրությամբ թաղանթով սորուն նյութերի պահեստների ծածկում,
- շինարարական տեխնիկայի և փոխադրամիջոցների տեխնիկական վիճակի պարբերաբար ստուգում և կարգաբերում,
- ջրցանի ծավալները հաշվարկել այնպես, որ չառաջանան մակերևութային հոսքեր և ջուրը բավականացնի միայն փոշենստեցման համար,
- կեղտաջրերի հավաքման համար նախատեսել կոյուղաջրերի հոր,
- շինարարական աշխատանքները և տրանսպորտի տեղաշարժը կազմակերպել ցերեկային ժամերին,
- բացառել մի քանի տեխնիկական և տրանսպորտային միջոցների միաժամանակյա շահագործումը:



- բետոնի խառնուրդը նախատեսվում է բերել մոտակայքում գտնվող բետոնահանգույցից, տեղում չպատրաստել:

Շահագործման փուլ - Սառնարանային սարքավորումները նախատեսվում են ֆրեոնային սառնագենտով, որոնք ընտրվելու են այնպես, որ համապատասխանեն «Օզոնային շերտը քայքայող նյութերի մասին» Մոնրեալի արձանագրությամբ սահմանված պահանջներին:

Նախնական գնահատման հայտի փորձաքննության, 18.02.2019թ. Գետամեջի համայնքապետարանում իրականացված հանրային քննարկումների, ինչպես նաև փորձաքննական գործընթացում կատարված լրամշակումների, բնապահպանության նախարարության համապատասխան ստորաբաժանումներից ստացված կարծիքների հիման վրա կարելի է անել հետևյալ եզրահանգումները.

Նախատեսվող շինարարական աշխատանքների իրականացման արդյունքում ակնկալվող հնարավոր բացասական ազդեցությունները կլինեն աննշան, կարճատև և տեղային:

Շինարարական աշխատանքների ժամանակ առաջացող արտանետումները կունենան ժամանակավոր բնույթ և կարտանետվեն հարթակային աղբյուրներից:

Նախատեսվող գործունեության շինարարության և շահագործման ընթացքում նախնական գնահատման հայտում նախատեսված միջոցառումների արդյունքում տարածքի աղտոտվածությունը՝ շրջակա միջավայրի բոլոր բաղադրիչներով, կգտնվի թույլատրելի նորմերի սահմաններում: Ըստ հայտի՝ լուծված են կեղտաջրերի հավաքման և հեռացման, աղբահեռացման, մթնոլորտի աղտոտվածության նվազեցման, աղմուկի մակարդակի, բարեկարգման և կանաչապատման հարցերը: Նախատեսված են շրջակա միջավայրի բարելավմանն ուղղված բավարար միջոցառումներ:


Հիմք ընդունելով վերը նշվածը, ինչպես նաև իրականացվող աշխատանքների ծավալները, խախտվող տարածքի փոքր մակերեսը, մշակված բնապահպանական միջոցառումները՝ կարելի է եզրահանգել, որ նախատեսվող գործունեության ազդեցությունը շրջակա միջավայրի վրա պետք է ունենա կարճատև և նվազագույն ազդեցություն՝ չգերազանցելով սահմանված նորմերը:

Համաձայն <<Շրջակա միջավայրի վրա ազդեցության գնահատման և փորձաքննության մասին>> օրենքի հոդված 20-ի 7-րդ կետի՝ փորձաքննական եզրակացությունը կորցնում է ուժը, եթե նախատեսվող գործունեության իրականացումը չի սկսվում փորձաքննական եզրակացության տրվելուց հետո՝ մեկ տարվա ընթացքում:

Փորձաքննական պահանջներ

1. Մինչ գործունեության իրականացումն անհրաժեշտ է << օրենսդրությամբ սահմանված կարգով ստանալ համապատասխան համաձայնություններ և թույլտվություններ:

2. Շինարարական աշխատանքների իրականացման ընթացքում անհրաժեշտ է խստագույնս հետևել նախնական գնահատման հայտում ամրագրված



բնապահպանական միջոցառումների պահանջներին, իսկ դրանց չբավարարման դեպքում ներառել լրացուցից միջոցառումներ՝ պարտադիր կարգով պահպանելով բնապահպանական, կառուցման և շահագործման հետ կապված բոլոր նորմերը:

3. Շինարարական աշխատանքների ընթացքում առաջացած շինաղբը (կենցաղային աղբ), ինչպես նաև ջրօգտագործումն անհրաժեշտ է իրականացնել ՀՀ օրենսդրությամբ սահմանված կարգով:

4. Անհրաժեշտ է շինանյութերի և թափոնների տեղափոխումն իրականացնել փակ ծածկ ունեցող բեռնատար ավտոմեքենաներով՝ համայնքի և հարակից բնակելի տարածքում փոշու արտանետումները նվազեցնելու համար:

5. Նախատեսվող շինարարական աշխատանքներն անհրաժեշտ է իրականացնել և ավարտել սահմանված ժամին՝ բնակելի տարածքներում աղմուկի և ճանապարհային բեռնվաճառությունից խուսափելու համար:

ԵԶՐԱԿԱՑՈՒԹՅՈՒՆ

Մ. Ադամյանի կողմից ներկայացված Գետամեջ համայնքում պահեստ սառնարանի կառուցման աշխատանքների շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն, վերը նշված պահանջների պարտադիր կատարման պայմանով:

Տնօրենի տեղակալ

Գլխ. մասնագետ



Ա. Դոնոյան

Կ. Մովսիսյան